


KWISA, LANDA MUNU

 Mbote, ve, yina vwandaka ntete Becky kubutuka. Mpe kuna mu—mu banzaka, “Mbote, nge zaba . . .” Mu—mu kudyaka kaka kopo ya poto-poto ya kwaker, ya ntalu ya ba-cents kumi. Mbote, mu kaka . . . Bawu kupesaka munu tike, mpe tulaka kaka kutula diboko na zulu ya yawu, beno me mona, mpe mu futaka samu na yawu, me vutula yawu, mpe mu me vutula yawu, samu ti mu vwandaka na muswa ya kulakisa noti ya kufuta.

² Mpe kilumbu mosi ntangu beto kuzwaka lukutakanu ya bapulusu ya kukengila mpe kutala bisika. “Oh,” bawu kutubaka, “nani kele kilawu yayi yina me vutula kima mutindu yayi?” Beno me mona? Mfumu, beno zaba, “Ba-cents kumi samu na madya ya suka?” Samu ti yina vwandaka lakisa ntalu ya yisi mingi na bampangi yankaka, beno zaba. Bayankaka ya bawu kuvutulaka na dollar mosi, beno me mona; ba-dollar zole samu na madya. Mpe mu vutulaka kieleka kaka yina yawu kuvwandaka.

³ Mbote, mu tubaka, “Mbote, ntangu yayi, ya kele ve na nsatu ti mu kuvutula. Yinki mu ke sala kana mu kudyaka kaka, samu na ba-cents kumi?”

⁴ Tata Fields, yina vwandaka kilandi ya komisele, yandi tubaka, “Billy, lomba ata dollar mosi, na mutindu nyonso, kaka.” Yandi tubaka, “Ya kele yina bayankaka ya bawu ke salaka.” Yandi tubaka, “Beno fwana kusala beno nyonso mutindu mosi.”

⁵ “Mbote,” mu tubaka, “Mu—mu ke kudyaka ata fioti ve kima yankaka kasi kaka mwa bolu ya gruau d’avoine, mpe ya kele yina mu ke vutulaka na facture.”

Yandi tubaka, “Oh, ve, kusalaka ve mutindu yina.”

⁶ Mbote, kuna mu banzaka, “Yinki mu ke sala na yayi?” Na yina mu vwanda vutula na facture ba-cents makumi tanu samu na madya ya suka. Na yina mu vwanda bakaka ba-cents makumi yiya na yawu, kana mu zolaka kumanisa mbongo, mu vwandaka pesa yawu na mwa bana na bala-bala; mwa bana, beno zaba, bayina vwandaka talana mutindu ti bawu mpe, vwandaka na nsatu ya mwa sandwich ya mbote, sandwich. Mbote, mu banzaka ti mu lendaka na kutala . . . Mbote, yina vwandaka kompani, yawu mosi, kuzonzaka na munu mutindu yina. Ya vwandaka muntu ya kompani yango.

Na yawu, mu banzaka, “Ya lenda vwanda ti mu me sala kima ya yimbi.”

⁷ Na yawu awa ntama mingi ve, na pulusu yina ke kengilaka na kutalaka bisika . . . Ntangu yayi bawu ke kengilaka na kutalaka bisika na hélicoptère, beno me mona. Kuna yandi kwizaka mpe

yandi telamaka. Yandi tubaka, “Tuba, Mpangi Branham,” yandi tubaka, “yinti yayi ke na kukulaka.”

Mu tubaka, “Yinga.” Mu tubaka, “Bana ya fyoti ke sakanaka na yisi ya yawu kuna.”

Yandi tubaka, “Beto lenda katula nsongi ya yawu?”

Mu tubaka, “Yinga, kasi beno kuzenga yawu ve. Beno me mona?”

Yandi tubaka, “Mbote, beto zola kuzenga yawu. Beto ke futa beno samu na yawu.”

⁸ Mu tubaka, “Ve. Ve. Mu zola ve ti beno kuzenga yawu.” Mbote, mu zaba misiku ya muswa ya kuluta na lupangu ya ngana, mpe, beno zaba, samu ti mu salaka yawu bamvula sambwadi. Mu tubaka, “Ve.” Mu tubaka, “Mu zola ve ti ba zenga yawu, kasi beno lenda zenga yawu na nsongi.” Mu tubaka, “Mu—mu ke zengaka yawu na nsongi, kasi,” mu tubaka, “beno lenda. Beno lenda zenga yawu na nsongi kana beno zola.” Mu tubaka, “Mu, Mpangi Wood mpe munu, ke na kukubikaka na kuzenga yawu na nsongi. Beto ke zengaka bansongi ya nyonso yayi yina kele pene-pene awa.” Mpe mu tubaka, “Kasi beto zola kubika yina kuna samu na bana ya fyoti, Joe mpe bayankaka, beno zaba, mwa bana yina ke sakanaka na yisi ya yinti yango.”

⁹ Mu kwendaka na nzyetolo. Ntangu mu vutukaka, ba zengaka yawu na dingwengwe mpe ba nataka. Oh, wapi mutindu ya kulanda mambu ya zolaka vwanda samu na kompani yina, beno me mona, samu ti bawu kuzengaka yinti yina, beno me mona. Mpe na yawu mu banzaka, “Ntangu yayi,” mu tubaka, “Mfumu, mu ke zonza kwandi ve yawu.” Beno me mona? “Kana ya kele na kima ti mu—ti mu, na zulu ya yawu, na kuvutulaka na ba-facture bantangu yankaka, na yina ti mu vwandaka kudya kaka na ntalu ya ba-cents kumi, mpe vwandaka vutula na facture ‘ba-cents makumi tanu.’” Beno me mona? Mu tubaka, “Kana ya kele kima samu na yina, ti yina kuvutula yawu, nge me mona, ti—ti mu—ti mu tulaka yawu na ba-facture, nge me mona. Ti mu . . .” Mpe kuna mu bikaka na kulotaka ya kuvwanda na Service Publique, beno me mona, samu ti ya fwana vwanda na kima kuna na bilumbu yina lutaka.

Beto fwana tala mbote yinki beto ke salaka. Beto ke kutana yawu kilumbu.

¹⁰ Bana, beno me kwiza awa. Mama ya nge lutaka, kilumbu yankaka yina, Trudy. Mu banza ti nge ve, nge zabaka ve. Yayi kele mutindu kuyituka, mu lenda mona. Mpe nge ke na kukubamaka samu na kuzwa diplome. Mpe beto kuzwaka nzyetolo yayi awa kintwadi. Mu ke kwenda na lukutakanu mosi awa, kaka na manima ya lukutakanu yayi. Mpe beto ke kwenda na yinzo.

¹¹ Mu banzaka ti ya ke vwanda siansi ya mbote na kusolola na beno nyonso, mpe kuna dyaka mu banzaka ti ya ke vwanda mbote na kuzonza na bana mwa fyoti ntete beno kuzwa ba-diplome. Kutanga nzila mosi ya Biblia, mpe kuzonzila beno kaka katuka ntima ya munu, na kutala baminuti kumi. Mpe mu ke bika beno. Beno me mona?

¹² Ntete mu zonza na bana, mu ke zola kaka kuzonza na bakuluntu kaka minuti, mpe, beno nyonso. Ya kele ntangu yayi, mu banza, nzyetolo mosi ya mpasi mingi, ya vwandaka. Kasi kimbangi yina mu me longoka na Nzambi, mu ke ndima ve mafunda kumi ya ba-dollar samu na yina mu me longoka na Mfumu katuka ntangu mu kele awa. Mu ke kwikila na kieleka ti mu me kwiza ya kutumama nyonso landila lutumu ya Yandi yina kele ya ngolo nyonso, mpe mu—mu banza ti mu lenda vwanda kaka mutindu yina. Mpe ya kele . . .

¹³ Ntangu mu me kwiza, kima mosi, ya vwandaka landila vision mosi, ti mu vwandaka ya kutelama na node ya Tucson na zulu awa ntangu kupasuka ya nene kusalamaka. Mbote, Mpangi Fred vwandaka kuna ntangu yawu kusalamaka. Mpe bawu kubakaka foto yango awa, beno zaba, na zulu. Mpe mu banzaka mingi ve na yina me tadila yawu, mu talaka yawu ve. Kuna ya bandaka na kuyitukisa munu na mutindu nyonso, kilumbu yankaka yina. Mpe Mpangi Norman, tata ya Norman awa, yandi tubaka na munu, yandi tubaka, “Nge talaka yayi?”

¹⁴ Mpe kaka na yina mu talaka, kaka kuna vwandaka Bawanzio yango pwelele kaka mutindu Bawu lendaka vwanda, ya kuvwanda kaka kuna na kati ya foto yango. Beno me mona? Mu talaka samu na kumona ntangu ya kusalamaka, mpe ya vwandaka na ntangu, kaka, na kutala kilumbu mosi to zole ntete, to kilumbu mosi to zole na manima mu vwandaka na zulu kuna. Mu me tala kisika ya vwandaka. “Na node-esete ya Flagstaff, to Prescott, yina kele na yisi ya Flagstaff.” Mbote, ya kele kaka kisika beto vwandaka, beno me mona, kaka kieleka.

¹⁵ “Bakilometele makumi yiya na zole katuka ntoto tii na zulu.” Kasi, mupepe ya tiya lenda ve kukwenda na zulu—na zulu ya sambanu, ya bakilometele sambanu katuka ntoto tii na zulu, to nana, madidi, konso mutindu dituti to kima nyonso, beno me mona. Bampepo ke kumaka bametele mafunda sambanu na zulu. Ya kele samu na kuvwanda na zulu ya matuti nyonso, beno me mona. Mpe mafunda sambanu ya bametele kele na kutala bakilometele sambanu katuka ntoto tii na zulu. Yayi kele bakilometele makumi yiya na zole katuka ntoto tii na zulu, mpe nene bakilometele makumi yiya na nana, mpe na mutindu ya pyramide, kana beno kutalaka foto.

¹⁶ Mpe na lweka ya diboko ya bakala, mutindu mu vwandaka me tuba na beno, mu talaka, ya kuyitukisa, Wanzio yango. Yandi yayi, ntulu ya kuvimba, mapapu ya kuvutuka na manima, ke na

kwiza kaka, kieleka kaka mutindu ya kusalamaka. Mu talaka ntete yawu ve ntangu Bawu. . . Bima mingi kusalamaka.

¹⁷ Na kukwizaka na nzila kilumbu yankaka yina, ya vwandaka na kima yina kusalamaka yina kuzonzaka na munu landila kima yina mu—mu fwana kusala. Mpe ya kele—ya kele ve nsangu ya munu.

¹⁸ Kilumbu mosi, Leo Mercier tubaka, yandi tubaka, “Mpangi Branham, ntangu ke kwiza na manima ya yayi,” yandi tubaka, na kutala bamvula tanu to sambanu me luta, mu banza bamvula sambwadi, yandi tubaka, “Mfumu ke sobisa ministère ya nge, Mpangi Branham.” Mpe yandi tubaka, “Ntangu Yandi ke sala yawu, na kutala nge ke kwenda kaka na balupitalu mingi, mpe na nzila ya kuzonza bawu ke bika bamfulu ya bawu mpe nyonso.” Ya kuwakanaka ve mbote, ata nyonso yina mu kwikilaka ti Mpangi Leo vwandaka meka na kuvwanda ya kusungama samu na yawu.

¹⁹ Kasi ya kuwakanaka kaka ve mbote, samu ti, beno me mona, Mfumu ya beto Yesu kusalaka yawu ve. Beno me mona? Mpe Yandi kwendaka na balupitalu. Ya vwandaka na mosi na lupitalu yango. Beno me bambuka moyo kisika ya vwandaka na kati ya Biblia? Na kiziba ya Béthesda. Lutangu mingi ya bantu ya kubela vwandaka ya kulala kuna, bikata, bantu ya makulu-kifu, bampfo, bikata, bawu vwandaka vingila na Wanzio. Ntangu yayi, yina vwandaka lupitalu ya kimpeve kisika bantu vwandaka vingila na kubeluka ya Kinzambi. Mpe awa Munganga ya Kinzambi Yandi mosi me kwiza mpe me belusa mosi mpe me kwenda. Na yawu beno lenda ve kuingila muntu yina ke kufwa, to kusalu ke kwiza, yina ke vwanda nene mingi kulutila yina vwandaka. Beno me mona? Mu zolaka ndima na yawu ve.

²⁰ Kasi na yina mu vwanda banda na kubaluka, Mpeve-Santu me kwiza na zulu ya munu. Mu me lombamba Leo bike. Mu me kuzwa kitini ya mukanda, mpe mu me sonika yawu. Ya kele na kati ya remorque ya yandi bubu yayi, kana beno kuma kwandi kisika ya kele. Ya kele remorque ya ntama yina kisika mu vwandaka tula bima. Kaka na yina beno ke kwenda na mwelo, ya kele na mabaya na lweka ya diboko ya bakala, kaka na ntwala ya remorque. Ya kele ya kuvwanda na yisi kuna. Mu tulaka yawu na zulu kuna. Mu tubaka, “Kilumbu beno ke lenda kukatula yayi awa. ‘Nzambi ata mbala mosi ve ke soba ministère, kasi Yandi ke sobisa muntu na ministère.’” Ya kele yina ke salama.

²¹ Beno me mona, mu—mu zaba yinki mu fwana kusala, kasi mu—mu—mu lenda ve, mu lenda ve kusala yawu na nkadulu yina mu kele ntangu yayi. Samu ti, mu fwana. . . Kima fwana kusalama na kati ya munu, yina ke sala Nzambi kusala yawu.

²² Beto kele na dibanza ya kuvutuka na yinzo. Bana ke na kubanza na yinzo, bawu nyonso ke na kusosaka na kuvutuka. Na yawu mu ke na kubanzaka na kuvutuka na bawu, kana

Mfumu zola, mu banza na manima ya lukutakanu ya Kilumbu ya sambanu, mpe kuna kuvutuka. Katuka kuna, mu zaba ve. Kasi mu zaba ntangu nyonso yina ti kima ke salama na kati ya munu, samu na kusala munu kutala bantu, mutindu yankaka na mutindu mu ke salaka ntangu yayi. Mu losaka bantu, beno me mona, mpe mu—mu vwanda zola dyaka ve kusala na bawu. Beno zaba yinki mu zola kutuba, yina mu ke bokilaka “ricky, ricketta,” bima yina bawu kusalaka. Mu longaka na kusungama nyonso, mpe Nzambi kusiamisaka yawu na mutindu nyonso. “Mpe kana bawu kuzolaka ve na kukwikila Yawu, kuna, na yina bika bawu swi.”

²³ Mu zolaka kwenda na zulu kuna, samu na kukutana na Bud automne yayi yina ke na kwiza, kubanda na kusala kuna mutindu ntwadisi. Kuvingila na mfinda, kubika nsuki mpe mandefo ya munu kukula. Mpe kana Mfumu kuzolaka munu kukwenda kisika, Yandi zolaka fidisa munu dyambu, mpe mu zolaka kwenda mpe kusala yawu.

²⁴ Mpe na nzila, na kukwizaka kilumbu yankaka yina, Yandi telemisaka munu. Mpe mu monaka kisika. . . na yina mu vwandaka kwenda. Mu kele—mu kele na nzila ya kima yankaka ntangu yayi. Mpe mu banzaka, ntangu mu ke kuma na yinzo, mu ke sala yina beto ke bokilaka kuzonza ya ntima-na-ntima, mu banza kutula yawu na bande, mpe kuna mpe samu ti bantu kumona samu na yinki nsobolo ya swalu mutindu yina.

²⁵ Ntangu yayi, beno bana, ti beto kaka. . . Ti beto kuzwa mwa mpova na kisambu.

²⁶ Mfumu Yesu, beto kele na luzabu samu na ntangu yayi, na kuzaba ti beto kele ya kuvukana awa, bantwenya mpe bakuluntu, mpe bayina kele na bamvula ya kati-kati. Mpe beto me vukana, na lweka yankaka yayi ya Seko, mbala mosi dyaka samu na kuzonza na yina me tala Nge mpe na yina me tala bima yina ke tala Luzingwa ya kukonda nsuka.

²⁷ Mpe bantwenya yayi ya kuvwanda na kati awa na nkokila yayi, bayankaka ya bawu ke kuzwa ba-diplome, bayankaka me kuzwaka yimeni ba-diplome. Kasi mu me bakula, Mfumu, kima yina kusalamaka kaka bangunga fyoti ntete ti kuningana ya nene yina, to kupasuka ya nene yina, kusalama na mongo kuna, na node ya Tucson, ntangu Bawanzio ya Mfumu kukulumukaka. Mu ke bambuka moyo na yina kutubamaka, mpe—mpe ya kulutila na yina me tala bantwenya. Mu ke sambila Nge, Mfumu, na kusadisa beto na kubakula. Mpe ti mu ke na kiyeka ya kutuba kima na bantwenya yayi, na nkokila yayi, yina ke sadisa bawu nzyetolo ya bawu nyonso. Samu ti, Mfumu, beto nyonso zola lusalusu yango na ntangu yayi.

²⁸ Sakumuna beto kintwadi. Lemvokila masumu ya beto. Mpe kana kima ti beto me sala kubanda ntangu beto kele awa, yina me nyongisa Nge, beto ke sambila ti Nge kulemvokila beto samu

na yawu. Samu ti beto me bakula, bubu yayi, ti beto kele ve—ve na kipiku samu na mbasi. Beto zaba ve yinki mbasi ke nata. Beto fwana kuyilama bubu yayi samu na kukutana mbasi. Mpe, Tata Nzambi, ya kele kaka na mutindu mosi yina beto zaba na kusala yayi, ya kele, kukubama na kumona Nge, samu ti ntama ve beto me bakula ti beto nyonso ke sala yawu. Mpe beto fwana kukutana na yawu kilumbu mosi, to na ngemba, mutindu mpangi to mwana, to mutindu mbeni. Ntama yawu kuvwanda, Mfumu, ti beto ke vwanda kima yankaka kasi bana ya Nge Mosi ya luzolo. Pesa bima yayi beto me lomba, na Nkumbu ya Yesu. Amen.

²⁹ Bubu yayi, na ntangu mu vwandaka zenga matiti ya yimbi, na suka-suka ya suka yayi, mu talaka kisika mosi na Biblia, mu banzaka ya zolaka vwanda kima ya mbote na kutanga ntangu yayi. Mpe ya kele . . . lendaka vwanda ya kulunga kieleka ve, kasi mu banzaka kaka samu . . . kaka—kaka samu na baminuti fyoti, samu na kuzonza. Mu zola kutanga yayi na kapu 18 ya Santu Luc. Misoniki nyonso yiya ya Nsangu ya mbote kusionikaka samu na yawu. Kapu 18 mpe nzila 18.

Mpe mfumu mosi yufulaka yandi, tubaka, Mulongisi ya Mbote, yinki mu fwana kusala samu na kuzwa luzingu ya seko?

Mpe Yesu tubaka na yandi, Samu na yinki nge ke bokila munu mbote? muntu ve kele mbote, kana kaka mosi, ya kele, Nzambi.

Nge zaba misiku, Kusala pité ve, Kufwa muntu ve, Kuyiba ve, Kutuba ve kimbangi ya luvunu, Zitisa tata ya nge mpe mama . . .

Mpe . . . tubaka, Nyonso yayi mu ke salaka, mpe kangamaka na yawu katuka buntwenya ya munu.

Awa ntangu Yesu kuwaka bima yayi, yandi tubaka na yandi, Dyaka kima mosi me bikana na nge: tekisa nyonso . . . kele na nge, mpe kabula na bamputu, . . . nge ke kuzwa bimvwama ya mazulu: . . . kwiza, landa munu.

³⁰ Mu banza ti, ndinga yayi, Kwisa, Landa Munu, ti lendaka vwanda dilongi ya kulutilla yina mu lendaka pesa kana mu vwandaka zonza na mafunda kumi ya bana, to kana mu vwandaka zonzila kaka na bawu yayi. Ya kele lutumu, mpe kima ya kulutilla nene yina mu banza ti kupesamaka ntete na muntu, mpe ya kulutilla samu na ntwenya, “Landa Munu.”

³¹ Beno ke landa muntu. Ntangu yayi, beno kaka . . . Beno lenda kubambukila yawu moyo. Beno ke landa muntu. Mpe mutindu beno ke landa muntu, beno vwanda ya kukwikama ti, nani muntu yayi ke na kulandaka. Beno me mona? Beto . . .

32 Paul kilumbu mosi tubaka, “Beno vwanda bilandi ya munu mutindu mu kele ya Klisto.” Na nzonzolo yankaka, “Kaka mutindu mu ke landa Klisto, beno landa munu.”

33 Mpe ntangu yayi, na kisika ya kubaluka yayi, na kitezo yayi—yayi ya luzingu kisika beto nyonso ke kwiza. Mpe bambala mingi beno me kuwaka munu kuboka “ricky, ricketta,” mpe nyonso yina. Ya, ya kele nsungi. Ya kele nsungi yina beto ke na kuzinga. Kieleka ya kele bantu yango ve.

34 Bantu yango kele bantu mutindu beto kele. Bana yango na ngaanda awa na matoma yayi mbangu, ke tambula bala-bala nyonso, mpe ke landila mutindu bawu kele, kunwaka tabaka mpe kunwaka malafu ya ngolo, mpe bana ya bakento ya kulwata kukondwa buzitu, mpe nyonso yina, bawu kele bana ya bakento mpe bana ya babakala mutindu beto kele. Beno me mona? Bawu kele bantu. Bawu kele na zola. Bawu ke kudyaka. Bawu ke kunwaka. Bawu ke lalaka. Bawu ke pemaka. Bawu ke kufwa. Bawu kele bantu kaka mutindu beto kele. Mpe dyaka bawu me vwanda . . .

35 Bawu kele ya kuyala na mpeve ya yimbi. Bawu zaba yawu ve. Ya kele ve samu na—na bantu yayi, kasi samu ti, bantangu yankaka, ntwadisi mosi yina bawu kulandaka kutwadisaka bawu na nzila ya yimbi.

36 Ntangu yayi, beno bana ya bakento mpe bana ya babakala zaba yawu mbote kulutula yina. Beno zaba. Ba me longa beno mbote kulutula yina. Beno kele na bibuti ya mbote, beno kele na malongi ya kulutula na kusala kima mutindu yina. Beno zaba mbote.

37 Kasi bawu ve, beno me mona, samu mabuundu yina bawu ke kwendaka kele mabuundu ya bilumbu yayi, ya bilumbu yayi. Mpe bawu—bawu ke zinga kaka samu na kilumbu yayi, samu na kuzabana mingi. Mpe, oh, la la! Yinki kele . . . Buzitu me kuma ngolo na bawu. Beno me mona? Na yawu bawu, yina . . . Mutindu mu vwanda tuba kilumbu mosi, na kimpa yina mu monaka awa, ntama mingi ve, na Sodome mpe Gomorrhé, ti mpeve ya yimbi yina yalaka kento yayi tubaka na—na Lot, “Yina nge ke bokila kukondwa buzitu, mu ke bokila ngolo.”

38 Yesu tubaka, “Mutindu ya vwandaka na bilumbu ya Noé, mutindu mosi ya ke vwanda na nkwezulu ya Mwana ya muntu.” Na yawu beto me vutuka dyaka na kisika yango.

39 Beto tala mpangi yayi, yina beto vwandaka me tanga, mwa baminuti fyoti. Ntembe ve ti mwana yayi kubutamaka na yinzo mosi ya mbote, mutindu beno bana. Ba kulisaka yandi na bibuti ya mbote. Samu ti, yandi kulakisaka yawu, ntangu Yesu talisaka na yandi misiku ya Nzambi. Yandi tubaka, “Mu kele ya kukangama na yayi katuka buntwenya.” Ya ke lakisa ti yandi vwandaka—yandi vwandaka—yandi vwandaka ya kukulisa mbote. Yandi vwandaka ve kaka kimpumbulu. Mpe

beno zaba, yandi—yandi kukulaka na kuzabaka yina vwandaka ya kulunga, bana mutindu beno nyonso kele. Na kutala yandi kukulaka na yisi ya mama mpe papa yina vwanda zitisaka Nzambi, yina—yina—yina longaka yandi mbote, ntangu yandi vwandaka mwana. Mbote, yina kele mbote.

⁴⁰ Ya lendaka vwanda ti, na kuvwandaka mwa bébé, mama ya yandi kuvwandaka na balukanu ya nene samu na yandi na kuvwanda muntu mosi ya nene kilumbu mosi. Tata ya yandi kuvwandaka na mbongo mingi, ti tulaka yandi na lukolo mpe—mpe samu na kupesa yandi malongi yina yandi lendaka . . . yandi zolaka basika na malongi ya mbote mpe samu na kulenda na kuvwanda muntu na yinza. Mpe na kusungama ya mama mpe tata ya yandi, na kupesaka malongi na mwana yayi, mpe mu banza kukuma na ntangu ya kuzwa diplome ya yandi mutindu beno, beno me mona, ntangu na yina yandi kulutaka na lukolo mpe kuzwaka malongi ya yandi. Kukondwa ntembe ti yandi mu banza vwandaka sala kilengi mpe kyese ya—ya luzingu ya mama mpe papa yango. Kukondwa ntembe ti, na bilumbu yango, yandi kuzwaka bampunda ya mbote, mutindu beno kele na batomabili, mpe papa mpe mama ya mbote mutindu beno nyonso me kuzwa, yina ke talaka na yawu, ti beno kuzwa binkuti ya mbote, mpe—mpe ditoma, mpe lenda . . . mpe vwanda sepela kaka luzingu, kaka kima mutindu beno ke na yawu bubu yayi.

⁴¹ Mpe tata mpe mama na . . . ke sambila ntangu nyonso ti—ti mwana ya bawu ya bakala kuvwanda kaka ve muntu ya mutindu muntu nyonso, ti yandi ke vwanda muntu ya mutindu yankaka. Bibuti nyonso zola yawu. Beno kuwaka Yesu kutala na musiku yina, “Zitisa tata mpe mama ya nge,” na manima kusukisa? Beno me mona? Mpe ya kele lukanu ya konso kibuti, kusala ya kulutula samu na bana ya bawu, yina bawu lenda, kupesa bawu malongi, kupesa bawu bima mu banza yina bawu vwandaka ve na lenda ya kuzwa. Ya kele mutindu mu ke talaka samu na bana ya munu.

⁴² Mu ke banzaka, bantangu yankaka, na kukwenda na lukolo, awa; mu ke banzaka, kufidisa Becky mpe Sarah mpe Joseph na lukolo ya kitezo ya zole mpe nyonso yina, kisika ba ke ndimaka bima nyonso yayi? Mu ke banza mu ke baka bawu mpe ke nata bawu na mongo, mpe—mpe kudikisa bawu na zulu kuna na . . . mutindu ba-Indien ke zingaka.

⁴³ Kasi awa kele yina yawu kele. Yina kele na kati ya mwana ke basika. Ata kisika yandi kele, ya fwana, ya ke basika. Kana ya kele mpeve ya yimbi na kati kuna, yawu ke basika na camp ya ba-Indien. Kana ya kele mbote na kati kuna, yawu ke basika na konso camp. Beno me mona? Ya kele yina kele na kati ya mwana, nkandulu ya mwana, yina kele na kati ya beno. Mpe yina beno kele ntangu yayi kele yina beno kele na kutala yina beno ke vwanda luzingu ya beno me bikana. Beno kele na kisika ya kusoba.

44 Beno zaba yinki? Makumi nana na sambanu na zulu ya nkama ya bakundima na Yesu Klisto ke kusalamaka ntete bamvula makumi zole na mosi. Ya ke lakisaka yawu. Ba-statistique ke lakisaka yawu. Makumi nana na sambanu na zulu ya nkama ya bayina ke kwizaka na Klisto, ke kwizaka ntete bawu kuzwa makumi zole na mosi. Beno, na manima beno me luta mvula yina, beno ke kuma ya kuyidama mingi to ya kuvwanda na kati ya mitindu ya beno. Oh, tsyelika, ya lenda salama. Bawu ke kwizaka, bamvula, makumi sambwadi, makumi nana, kasi ya kele mpasi mingi. Beno me mona?

45 Beno ke salaka beno mosi na ntangu beno kele ntwenya. Beno ke vwandisa balukanu ya beno na yina beno zola kusala, mpe yina beno ke na kumeka na kusala na luzingu. Beno ke banza na yawu. Mpe na yina beno ke banza, kieleka, dibanza ya beno, ya ke na kuyilamaka na dibanza ya beno landila kima ya kuzabana ve yina—yina ke na kuyala dibanza ya beno. Mpe kuna ntangu yawu ke kuma na kati ya dibanza ya beno, kuna beno ke zonza yawu, ti beno zola kusala yawu. Mpe kuna balukanu ya beno ke twadisa beno na yawu.

46 Na yawu, mama mpe tata, vwanda vingila ntwenya ya bakala yayi na . . . balukanu ya yandi ya kuvwanda muntu ya nene; mbongo mingi samu na kunungisa yawu. Mpe na yina, kukondwa ntembe, kusambilaka ti ntwenya ya bakala yayi—yayi ke—ke kuzwa ntangu ya mbote-mbote yina. Beno me mona, bawu—bawu kusalaka nyonso bawu lendaka kusala. Yandi mu banza kuzwaka bampunda ya mbote, mpe—mpe mu banza vwandaka ya kuzabana mingi na kati-kati ya bakento.

47 Mpe yina kele samu na babakala, kele samu na bakento, mutindu yayi mutindu yina, beno me mona, samu ti beto ke na kuzonzaka na yina me tala luzingu ya bantu, mioyo, bawu nyonso zole babakala mpe bakento.

48 Mpe kuna, na manima ya nyonso ya kuzwa ntangu ya mbote-mbote yayi yina mwana ya bakala yayi kuzwaka, beno me mona, yandi kumaka na “luzingu ya mpasi ve,” beto ke bokilaka yawu, na kisika yandi zolaka tekita mingi ve. Bibuti ya yandi vwandaka na mbongo. Yandi kuzwaka . . . Yandi vwandaka kieleka . . . Yandi kumaka mfumu. Biblia ke tuba na yawu awa, na . . . mutindu ntwenya, mfumu ya ntwenya ya bimvwama. Mpe beto ke mona . . . Na mvula ya buntwenya, mu banza na mvula ya yandi ya buntwenya, kaka me manisa lukolo, me kuzwa kaka diplome, mu banza, basabala fyoti ntete, to kima, yandi kumaka . . . Yandi kele mfumu, mpe yandi kuzwaka nyonso yina bantima vwandaka na nsatu ya kuzwa.

49 Mpe mwana ya bakala yayi vwandaka ve ricky ya bilumbu yayi. Yandi vwandaka mwana ya mbote. Mu ke kwikila, ntangu Luc kusunikaka na yina me tala yawu, to Marc, mu banza ya vwandaka, Yesu kutalaka yandi mpe me pema, samu ti Yandi

zolaka yandi. Beno me mona? Ya kele na kima na yina me tala mwana yango. Ya vwandaka na kimuntu ya mbote na kati ya mwana yayi. Wapi kisika yandi kukatukaka? Na dikanda mosi ya mbote yina longaka yandi misiku ya Nzambi, mpe yina kaya meso ti yandi kuzitisa yawu. Mpe yandi salaka yawu, katuka buntwenya ya yandi.

⁵⁰ Mpe mwana ya bakala yayi vwandaka na lukanu; yandi vwandaka na nsatu ya Luzingu ya Seko. Yandi tubaka, “Mulongisi ya Mbote, yinki mu lenda sala samu kuzwa Luzingu ya Seko?”

⁵¹ Beno me mona, na nyonso beno me kuzwa na yinza, dyaka moyo na kati ya beno ke tuba na beno ti ya kele na kima yina beno ke na nsatu, ti beno me kuzwa ntete ve. Kaka na bimvwama. . . To, ya fwana vwanda kaka ve bimvwama. Ya lenda vwanda, kuzabana, mwana mosi ya kento ya kitoko mingi, yandi kele na kitoko ya yandi yina yandi lendaka kubanzila. Mu banza ti yandi kele ya kuzabana mingi na lukolo. Mu banza ti mwana ya bakala lenda kuzwa mwana nyonso ya kento yina yandi zola. Yandi ke tala ti yandi kele mutindu ya kukeba. Yina kele lukengolo ve. Yina ke kuyuma kaka mutindu fololo na bilanga. Beno me mona? Yawu ke kwenda. Yawu ke vwanda ntangu mingi ve. Kaka mwa bakubaluka ya mwini, ya me kwenda, na manima beno kele na moyo yina fwana kuzinga Seko.

⁵² Mpe ntwenya ya mwana yayi zolaka vwanda na kimuntu ya muntu, samu ti yandi kutalanaka yandi mosi na Mfumu Yesu, na kuzabaka yandi kufukamaka. Yandi tubaka, “Mulongisi ya Mbote, yinki mu lenda sala samu na kuzwa Luzingu ya Seko?”

⁵³ Yandi tubaka, “Samu na yinki nge ke na kubokila Munu mbote,” tubaka, “na yina nge zaba ya kele kaka na Mosi yina kele mbote, mpe ya kele Nzambi?” Beno me mona? Yinki bakala ya ntwenya yayi zolaka kutuba na yayi? Ti Yandi vwandaka Nzambi. Beno me mona? Yandi tubaka, “Nge zaba misiku. Kangama na yawu.”

Yandi tubaka, na yina yandi tubaka, “Wapi misiku, Mulongisi?”

⁵⁴ Yandi tubaka, “Misiku ya ‘zitisa tata mpe mama ya nge,’ mpe nyonso yankaka.”

⁵⁵ Yandi tubaka, “Yayi kele yina mu salaka, katuka buntwenya ya munu. Beno me mona, mu salaka yayi.”

⁵⁶ Yandi tubaka, “Dyaka nge kele na kima mosi ke na kukondwa. Kwenda, tekisa nyonso yina kele na nge, mpe pesa yawu na bamputu, mpe landa Munu.”

⁵⁷ Wapi kuzwa ntangu ya mbote-mbote! Yandi zolaka vwanda Pierre, Jacques, to Jean, mosi ya bawu. Beno me mona, mwana kulongamaka mpe kulaka mbote, mpe kutalanaka na Klisto, samu na kusadila yandi na nyonso ya balenda yina yandi

kuzwaka na kati ya yandi, samu na kusadila, na kutala ya kulongoka, ntwenya, ya bivwama, ya lutumu, kisika yandi zolaka lakisa Nsangu ya mbote, mpe kasi yandi kumangaka Yawu. Wapi mutindu—wapi mutindu ya kima ya kukondwa kubanzila yina vwandaka samu na mwana ya bakala ya ntwenya yina! Beno me mona?

⁵⁸ “Landa Munu.” Ntangu yayi, beno mona, yandi zolaka landa muntu. Awa, yandi zolaka to kulanda yisi ya lutumu ya bantu yina yandi kuvukanaka na bawu, yisi ya lutumu ya ntwenya mosi ya kento, yisi ya lutumu ya nkonga mosi ya babakala yina yandi kuvukanaka, bankundi ya yandi na lukolo, to kulanda muntu Yesu Klisto. Na bumbote ya yandi nyonso, kasi yandi kuzabaka ti yandi vwandaka ntete ve na Luzingu ya Seko.

Bana, ya kele yina beno fwana kubanzila. Beno me mona?

⁵⁹ Ntangu yayi beno tala mwana yango ya bakala na nkokila yayi, yina yandi zolaka vwanda, mpe yina yandi kele, yina yandi kele na nkokila yayi. Yandi kele kisika mosi. Yandi vwandaka muntu. Yandi kele kisika mosi. Yandi ke na kuvingilaka Lusambusu. Yandi ke na kuvingilaka na kutala Lufundusu na Kilumbu yango, samu na kumangaka bweso mosi yina kele na ntwala ya beno bana, na kutala na yisi ya nzila mutindu mosi; bana ya mbote, ya kimuntu ya mbote, batata mpe bamama ya mbote, yina kele na beno, beno ke sosa ve kusala kana ti beno mosi kuzola. Beno me mona?

⁶⁰ Kasi ya kele na kima yankaka yina ke kwenda na yawu. Ya kele na kima ke kwenda na yawu. Ndinga yango, na nkokila yayi, ke kufwa ata fyoti ve. Ya kele dyaka kubokila ya konso ntwenya ya bakala, konso ntwenya ya kento, “Landa Munu.” Beno me mona?

⁶¹ Bandinga ke kufwa ve. Ntangu nyonso yina beno ke zonza kima, beno bambuka kaka moyo, ata ti ya kele na kati ya ditoma na kinsweki, ata ti ya kele na kilongolo, ata ti ya kele na nsongi ya bala-bala na mpangi ya nge ya bakala to mpangi ya nge ya kento, kisika nyonso ya kele, ya ke kufwaka ata mbala mosi ve. Ya—ya fwana kuzinga ntangu nyonso.

⁶² Ntangu mu monaka mwana ya kento yango yina mu... mpimpa yankaka yina na vision, ntwenya mosi ya kento ya kitoko mingi, actrice ya Hollywood, mpe mu monaka yandi vwanda kufwa, vwanda tanda maboko, na kumeka na kuzwa lusalusu. Yandi kufwaka ntima kukangamaka, Ma Monroe. Mpe kuna yina vwandaka bamvula zole me luta, mpe mu monaka yandi vwanda kufwa. Mpe bamvula zole na ntwala yandi kufwaka.

⁶³ Kuna, na mpimpa yankaka yina, mu kuwaka ndinga ya mwana yango ya kento. Wapi mutindu? Bana vwandaka tuba na munu, “Papa, nge ke kwendaka na Nzadi yina Ya Kukondwa Kuvutuka, ntangu nyonso.” Bawu tubaka, “Bawu kele na kimpa

mutindu yina, na nkokila yayi.” Bawu tubaka na munu nkokila mosi ti ya ke vwanda, lumingu to balumingu zole na ntwala ya ntangu. Mu banzaka, “Mbote, mu zola kumona yawu, samu ti mu vwandaka na nzadi yango, bambala zole to tatu; na kutala bambala tanu, mu banza.” Mbote, mu—mu vwanda zola kumona yawu.

⁶⁴ Mpe Ma Marilyn Monroe bulaka na kimpa yango. Mbote, yina vwandaka mwana ya kento yina mu monaka na vision. Mpe kuna yandi vwandaka, na film, mpe bansalulu, kisalu kwandi yina yandi bulaka na Nzadi *Ya Kukondwa Kuvutuka*, ntangu yandi kubulaka na film yina, mu banza kumi na tanu ya bamvula me luta. Ya vwandaka film ya ntama, mu banza ya bamvula makumi zole me luta. Mpe yandi kufwaka na bamvula zole. Mpe yandi yayi dyaka, ya moyo, konso nsalulu mpe konso ndinga. Beno me mona? Ya kele dyaka ya kubakama na bande manietiki tii ya kele dyaka moyo.

⁶⁵ Kaka yina ve, kasi nyonso yina beto ke tubaka kele moyo. Konso ndinga yina beto ke zonzaka lenda ve kufwa. Ntangu yayi ke na kuluta na kivinga bampova, binsinsya ya bantu. Televizyo ke bakaka yawu. Beno lenda zonza kaka awa, mpe ba ke kuwa beno na yinza nyonso, na sekonde kaka mosi. Mpe ntete beno kuwa yawu na kati ya kivinga yayi, ya ke kwenda yinza nyonso, na nzila ya electronique.

⁶⁶ Mpe pano ya televizyo ya nene ya Nzambi ke baka yawu. Mpe konso kutambula mpe konso nsalulu yina beno ke salaka, beno fwana kukutana na yawu na Lusambusu. Beno me mona? Na yawu, beno bantwenya, ya kele kima ya mbote na kutelama, kubanza na bima yayi, beno me mona, samu ti beno ke kutana na yawu dyaka. Beno me mona?

⁶⁷ Beto landa ntwenya ya bakala yayi, kuzwaka ntangu ya mbote-mbote yina yandi kuzwaka, mpe beno tula beno mosi na kisika ya yandi. Mpe mwana ya kento, kaka mutindu ya kele Becky mpe Marilyn, kaka mutindu kaka beno vwandaka ya kutelama na kisika ya yandi, mpe beno lenda kuwa Ndinga yango yina kele dyaka moyo.

⁶⁸ Ya kele dyaka moyo. Ya ke na kutambulaka dyaka. Luzabu ya yinza ke tuba, “Na bamvula makumi zole katuka ntangu yayi, bawu ke baka Ndinga ya Yandi ya kieleka yina Yandi kuzonzaka, bamvula mafunda zole me luta.” Ya kele dyaka moyo. Mutindu ditadi ke kubwa na mubu, bitembo ya masa ke suka ata mbala mosi ve. Yawu ke kwenda na simu, mafunda ya bakilometele, mpe ke vutuka.

⁶⁹ Ntangu ndinga mbala mosi me zonza na mupepe mutindu yina, ata mbala mosi ve ti yawu ke kufwa. Ya kele na kima ve beno ke tuba na Lusambusu. Ya kele kaka kuna. Ya ke vwanda na Ndinga ya Yesu Klisto yina ke bokila ntwenya yango ya bakala, “Landa Munu,” mpe yandi ke na kumangaka, na pano

ya television ya nene, na mawa, samu ti yandi vwandaka na bivwama mingi. Beno me mona? Beto lendaka vwanda kwandi ve. . . Konso ntangu ve samu na mbongo. Ya lenda vwanda bima yankaka. Beno me mona? Nyonso yina beto ke zolaka mingi kulutila lubokilu yina, beno me mona, ya ke kumaka mutindu mbongo samu na beto. Ya ke kumaka kima yina ke bebisaka beto.

⁷⁰ Ntangu yayi beto landa yandi mwa fyoti. Yinki kusalamaka ntangu yandi kumangaka? Yandi kuwaka ve na Ndinga yango ya Klisto. Yandi kwendaka na bankundi ya yandi.

⁷¹ Yina, beno bana, beno nyonso kele bana ya mbote, mpe na mutindu nyonso beno ke kuzwa bankundi, kasi beno tala mbote wapi mutindu ya nkundi kele na beno. Kana nkundi yina ke na kulandaka Klisto, beno kwenda na nkundi yina. Beno landa Klisto, mpe. Kasi kana yandi sala yawu ve, beno sala yina ve.

⁷² Beto tala yandi. Beto me mona, ya lendaka vwanda ti yandi kukangamaka na bankundi ya yandi. Yandi kukumaka mfumu ya nene. Kuna yandi vwandaka mfumu. Na ntuala, beto ke mona ti yandi vwandaka kaka kuyalumuka tii yandi—yandi—yandi zolaka tunga bibumbulu dyaka yankaka samu na kutula bima ya yandi. Mpe kuna yandi tubaka na yandi mosi, na manima yandi me kuma kiboba, mpe ti bansatu ya luzingu ya buntwenya mpe bima lutaka, nyonso yina yandi vwandaka sala, mu banza, vwandaka kuyamba bantu.

⁷³ Ntangu kiboba ya bakala to kiboba ya kento, mutindu munu, kento ya munu, bamama mpe bapapa ya beno, ya kele na kima ya mpasi mingi ve ti bawu lenda kubanzila. Bawu lenda ve, zola ve kubasika mpe—mpe kukima na babala-bala, beno zaba, mutindu—mutindu bantwenya ya babakala zolaka sala, mpe bantwenya ya bakento. Bakukutana ya zola, mpe nani ke vwanda kento to bakala ya nge, to, beno me mona, bawu kele na yawu ve na dibanza ya bawu. Bawu, bawu ke na bana, bawu ke na kubanzila bawu. Yina ke vwanda beno nyonso, mbasi, kana ya kele na mbasi. Beno me mona?

⁷⁴ Mpe beno mona muntu yayi, kuna, na mu banza. . . Ya lenda vwanda ti yandi kukwelaka kwandi ve. Mpe, na mutindu nyonso, yandi vwandaka mfumu ya nene. Mpe yandi vwandaka na zulu. . .

⁷⁵ Mpe mutindu ya kele na Jérusalem, dyaka, bubu yayi, bawu ke kudyaka na zulu ya yinzo, na ntangu yayi ya kilumbu, ntangu ya ke kumaka madidi, na nkokila.

Mpe beto ke tala muntu yankaka ba ke lakisa na lweka ya yandi: mulombi.

⁷⁶ Mpe muntu yayi, kulaka na—na kuzitisaka bampangi, mpe beno sala na bayankaka mutindu bayankaka ke salaka na beno. Beno me mona, na kumangaka lubokilu yina ya Klisto, na nsuka-nsuka. . . Ya ke talana mutindu, mwana ya bakala yina

kukulaka na yinzo mutindu yina, ti yina zolaka ata mbala mosi ve kukatukila yandi, kasi yandi salaka yawu. Yandi salaka.

⁷⁷ Mpe kuna ya kulala muntu na mwelo, na nkumbu ya Lazare, yina vwanda lomba yandi madya, kasi nionso mpamba. Yandi zolaka kudya bitini ya mampa yina yandi vwanda kombolaka, ve samu na kupesa na mulombi, kasi na bayimbwa. Mpe yandi vwandaka ya kifuluka na bamputa. Kasi muntu yayi vwandaka me ndima mingi bankadulu ya kubongisa ya bantu, na yina, yandi vwandaka dyaka ve na mitindu yina. Yandi kukumaka na ntima ngolo, samu ti yandi kumangaka nzila yango ya Klisto.

⁷⁸ Mpe mbala yankaka ti nkokila mosi, na ntangu yayi, ke na kuyokaka mampa ya yandi na bavinu ya mbote, mpe bakento ya kitoko, na misanga, pene-pene ya yandi, mpe bima mutindu yina, na nyonso yina bantima ya yandi vwandaka zola, mpe vwandaka yoka mampa. Mulombi vwandaka ya kulala na mwelo.

⁷⁹ Mpe ntete bwisi kutsya, suka yina vwandaka landa, yandi vwandaka na difelo, vwandaka boka samu ti Lazare kwiza kutula maza na ludima ya yandi. Nsobolo ya mambu.

⁸⁰ Mpe beno tala, ntangu yandi tubaka, “Tata Abraham,” awa, yandi vwandaka me bambuka dyaka moyo ti Abraham vwandaka tata ya ba-Juif. Yandi tubaka, “Tata Abraham, fidisa mulombi yango Lazare na yisi awa na mwa maza na misapi ya yandi, samu na kutula na bikoba ya munu. Batiya yayi ke pela ke na kutungisa munu.”

⁸¹ Mpe yandi tubaka . . . mpe Abraham tubaka, “Ya kele, mu lenda sala yina ve,” na bampova mingi. “Mpe na balweka ya nyonso yayi, beno me mona, nge kuzwaka ntangu ya mbote-mbote ya nge na luzingu.”

⁸² Na wapi ntangu yandi kuzwaka yawu? Ntangu Yesu kutubaka, “Landa Munu.” Kasi yandi kumangaka yawu. Yandi kwendaka nzila yina yandi zolaka sala mbongo. Mpe yina kele mbote mingi, kima ya yimbi kele ve na kusala mbongo, kasi beno landa Yesu na yina beno ke na kusalaka yawu. Beno me mona? Mpe yandi kwendaka nzila yankaka, na bantu mingi.

⁸³ Mpe beno ke mona, yandi tubaka, mpe Abraham tubaka, “Mpe na balweka ya nyonso yayi, ya kele na dibenga na kati-kati ya nge na yandi, yina muntu ve me sabukaka ntete, mpe ata mbala mosi ve ke sabuka. Bayina ti kele kuna lenda ve kukwiza awa, mpe bayayi awa lenda ve kukwenda kuna. Ba salaka yawu mutindu yina. Muntu ve lenda sabuka to ke sabuka.”

⁸⁴ Na yina beno kuwa yandi. Yandi zola kuvwanda evangeliste kuna. Mbokolo yina Yesu pesaka yandi, na—na kulanda Yandi, zolaka, mpe kuvwanda munungi ya mioyo, mutindu ntwenya ya bakala, kuvutukilaka yandi dyaka. Yandi kubambukaka moyo na yawu, ti yandi vwandaka na bampangi ya babakala tanu, mpe kuna na ntoto, mpe yandi vwandaka zola bawu ve na kisika yina.

85 Yandi tubaka, “Fidisa Lazare, kuna, na kutuba na bampangi ya munu ya babakala na kukwiza nzila yayi ve.” Na nzonzolo yankaka, “Kundima lubokilu, ‘Landa Munu.’” Beno me mona?

Kasi yandi kutubaka, “Bawu, bawu ke sala yawu ve.”

86 Yandi tubaka, “Yinga, kana mosi kuvumbuka na lufwa, mutindu Lazare, mpe kuvutuka mpe kutuba na bawu.”

87 Beno me mona, ya ke lakisa ti, na manima beto me kufwa, beno ke na konsiansi. Yandi kubambukaka moyo. Abraham tubaka, “Mwana, bambuka moyo, na bilumbu ya nge.” Beno me mona? Beno ke bambuka dyaka moyo. Beno ke zimbisa ve mabanza ya beno. Beno ke bambuka moyo.

88 Mpe mabanza yina muntu yayi zolaka kuzwa, mpe dyaka na kisika mosi yina, yandi kubambukaka moyo na kuzwa ntangu ya mbote- mbote yina yandi kuzwaka ya kuwa Yesu kutuba, “Landa Munu.” Kasi yandi landaka muntu ya yimbi, nkonga ya bantu ya yimbi. Yandi kotaka na kati ya nkonga ya bantu ya yimbi, mpe kwendaka na kisika ya yimbi, sukaka na Seko ya yimbi; samu na kufwa Kilumbu yina, kukatuka na Nzambi kukondwa nsuka.

89 Yesu mpe kutubaka dyambu ya nene, “‘Ata ti mosi kuvumbuka na lufwa mpe kuvutuka, dyaka bawu ke ndimisama ve. Samu ti, bawu kele na musiku ya Moïse, mpe kana bawu kuwa yawu ve, kuna bawu ke kuwa ve ata ti mosi kuvumbuka na lufwa. Bawu ke ndimisama ve.’”

90 Samu na yinki? Samu na yinki? Musiku ke zonza na kima mutindu yina? Yinga. “Beni sala na bayankaka mutindu beno zola bawu kusala beno.” Mpe yandi zingaka na yisi ya musiku. Kasi yandi bikaka mulombi kufwa na mwelo. Beno me mona? Yandi—yandi zingaka na yisi ya misiku ya Nzambi, mpe dyaka kondwaka na kumona Luzingu yango ya nene ya Seko.

91 Bana, beno, mosi na mosi, ke monana mutindu ya munu. Beno, mosi na mosi, ke monana mutindu kaka bana ya munu ya babakala mpe bana ya munu ya bakento. Na mutindu mosi, beno kele, beno me mona, na nzonzolo ya kimpeve. Ya kele kieleka. Mfumu Nzambi me—me tula moyo ya beno na lutumu ya munu, samu ti beno ke kwizaka, kuwa munu. Beno ke kwikilaka munu. Beno me mona? Mpe na nzila mosi ya dyambu, beno kele bana ya munu ya babakala mpe bana ya munu ya bakento. Ya kele kieleka.

92 Ntangu nyonso beno kubambuka moyo, kukangama na misiku ya Nzambi kele kima ya nene. Kukula na yinzo ya mbote kele difwa ya Nzambi. Mpe kuvwanda bana ya mbote na bumuntu mutindu beno kele na yawu, kele mbote. Kuzwa malongi, kele mbote mingi. Ya kele mbote mingi na kuzinga na yinsi ya kimpwanza yayi. Beto kele na bima mingi ya kuvutula matondo.

93 Kasi ya kele na kima mosi yina beno ke kuzwa kaka ve na difwa. Beno fwana kundima Yawu. Ya kele Luzingu ya Kukonda nsuka. Mpe beno ke sala kaka yawu na kulandaka Yesu, na nzila ya kimbangi ya kubutama ya mbala ya zole. Beno bebisa yawu ve.

94 Mwa disolo mosi kilumbu mosi mu kuwaka, ya muntu mosi yina vwandaka, oh, yandi vwandaka mputu. Mpe yandi—yandi ntangu nyonso vwanda zola na... Ya kele mutindu, ya mwa disolo mosi ya ba-fée. Yawu konso ntangu ke kangamaka na munu, ata nyonso. Mpe kilumbu mosi yandi bukaka fololo. Mpe fololo yango vwandaka na bunganga ya kindele, mpe fololo kuvutulaka yandi, mpe tubaka, “Nge me vwanda mputu luzingu ya nge nyonso.” Yandi tubaka, “Ntangu yayi lomba yina nge zola, mpe ya ke pesama na nge.”

95 Yandi tubaka, “Ti mongo yina kuzibuka, mpe mu kwenda na kati kuna mpe kuzwa wolo na kati ya mongo.”

96 “Mbote,” yandi tubaka, “nge fwana kunata munu na nge kisika nyonso nge ke kwenda. Beno me mona? Nge fwana kunata munu na nge. Na yawu, kisika nyonso mu kele, kuna nge lenda lomba yina nge zola.”

97 Yandi me belama na mongo, mpe mongo me funguka, mpe yandi me kota kuna. Mabaya vwandaka ya kufuluka na wolo mpe ba-diamand, landila mutindu ke kwendila mwa disolo yango ya ba-fée. Yandi me tula fololo na—na mesa, to, na ditadi. Mpe yandi me kima mpe me simba ditadi mosi ya nene ya ntalu, mpe yandi me tuba, “Mu fwana kwenda lakisa yayi na bankundi ya munu. Mpe ntangu yayi mu me kuma muntu ya bimvwama. Mu kele na nyonso ntangu yayi. Mu fwana kulakisa yayi.”

98 Mpe na yawu fololo me zonza, “Kasi,” me tuba, “nge me zimbana kima ya ngundi.”

99 Na yawu yandi me vutuka na mbangu mpe me baka, me tuba, “Mbote, mu banza ti mu ke—mu ke kuzwa ndambu ya wolo. Mu ke kuzwa ndambu ya mbongo.” Mpe na yawu yandi me tuba, “Mu ke—mu ke sala mbangu na ngaanda, samu na kutuba na bantu wapi mutindu vwama mu me kuma, mpe yina nyonso mu me kuzwa.”

100 Mpe yandi me kuma na mwelo, mpe fololo me tuba, “Kasi nge me zimbana kima ya ngundi.”

101 Na yawu yandi me vutuka dyaka na mbangu. Yandi me tuba, “Na kati awa beto ke tala mitindu nyonso ya bima.” Na yawu, yandi me baka ditadi mosi. Yandi me tuba, “Mu ke kwenda, ke nata ditadi yayi mpe ke lakisa na bantu wapi mutindu ya ditadi mongo yayi kele ya kusala, kuna mu lenda kuzwa nzila ya munu ya kuvutuka na yawu.” Beno me mona?

102 Mpe yandi me banda na kubasika na kielo, mpe fololo me tuba, ya . . . mbala ya yawu ya nsuka, “Nge me zimbana kima ya ngudi.”

“Oh,” yandi tubaka, “oh, kanga yinwa.”

103 Beno me mona, yandi zolaka dyaka ve na kuwa yawu, “Kuzimbana kima ya ngudi,” mpe yandi me basika na mwelo na mbangu. Mpe na yina yandi me basika, mwelo me kangama na manima ya yandi, na fololo na kati. Kima ya ngundi vwandaka fololo. Beno me mona? Kima ya ngundi vwandaka fololo.

104 Bamvula me luta, na kuvwandaka mwana, mutindu beno nyonso kele, awa, na ranch mosi na zulu awa, na zulu ya Phoenix. Mu vwanda tanga kitini ya mukanda, na kutala bisika, mukanda na zulu ya muntu ke talaka bisika. Kuna, ya vwandaka ve na banzila awa kuna, kaka mwa banzila ya zelo. Bawu ke na kusala dyaka mingi bakutala ya bisika awa, beno zaba.

105 Kasi muntu ya kutala bisika yayi kwizaka, mpe yandi kuzwaka mbongo mingi, mpe bakulaka wolo mingi. Mpe na nzila ya yandi ya kuvutuka, yandi kotaka na cabine mosi yina yandi monaka. Mpe yandi vwandaka na yimbwa na yandi, mpe, yimbwa, vwandaka ya kukanga na ngaanda. Mpe na mpimpa yina, ya vwandaka na kimpumbulu yina vwandaka landa yandi, samu na kubaka wolo yayi. Yandi kuzwaka yawu na bisika ya matadi ya ntalu ya ntama ya bantu ya Espagne, mpe yandi kwizaka na yawu. Mpe yimbwa bandaka na kuboka.

106 Mpe muntu yango vwanda zola ve kuvwanda ya kukwamisa na yimbwa yina. Yandi tubaka, “Kanga yinwa.” Yandi tubaka, “Mbasi, mu ke nata yayi, na—na mbanza.” Mpe mu ke . . . Mabanza ya disolo vwandaka yayi. “Mpe mu ke tula yawu na kitezolo, mpe mu ke vwanda muntu ya bivwama. Mpe mu ke sumba matoma ya nene. Mpe mu ke kuzwa mitindu nyonso ya bakento mpe mikembo ya nene. Mpe mu ke vwanda muntu ya bivwama, samu ti mu me bakula yimeni kisika ya kuzwa matadi ya ntalu. Mu me kuzwa wolo awa, mingi ya yawu.” Mpe tubaka, “Mu ke . . .”

107 Mpe na yina yandi vwandaka meka na kukwenda kulala, yimbwa vwandaka boka, samu ti yimbwa kumonaka muntu ya kimpumbulu, kukwiza na malembe, na kuingilaka ti muntu ya kutala bisika yayi kukwenda kulala.

108 Yandi me telama dyaka, mpe me boka na yimbwa dyaka, yandi me tuba, “Kanga yinwa.” Mpe yimbwa ya mawa yayi bokaka mpe mekaka na kukebisa mfumu ya yandi ti kisumbula vwandaka kwiza—kwiza. Mpe ntangu yandi . . .

109 Mbala yankaka yina, ntangu yimbwa bandaka na kuboka, muntu ya kutala bisika vwandaka na munduki ya kuzomba. Yandi zolaka ve kumikwamisa, na yawu yandi kutelamaka kaka mpe kubulaka yimbwa. Mpe muntu ya kutala bisika yayi ba fwaka yandi na mpimpa yina, na kimpumbulu. Bandosi ya yandi

nyonso ya nene kusalaka yandi ata mbote ve. Samu na yinki? Yandi kufwaka ndinga yina vwandaka kebisa yandi.

¹¹⁰ Ya kele na muntu ve yina lenda kumeka na kusala kima, beno bana, beno ke lenda ata mbala mosi ve na kusala kima ya yimbi, na manima ya kukula mutindu beno kele, kukondwa ti beno kuwa kima kutuba na beno kusala yawu ve. Ntangu yayi, beno kufwa ata mbala mosi ve ndinga yina ke na kukebisa beno.

¹¹¹ Mpe beno bambuka moyo ntangu nyonso, beno ndima Ndinga yango yina ke tubaka, “Landa Munu,” mpe ntangu nyonso beno ke kuzwa ndandu ya mbote. Mu ke kwikila ti beno ke sala yawu. Mu ke na kivuvu na beno. Kasi beno bambuka kaka ntangu nyonso moyo ti Yesu, Ndinga yango, kele moyo na ntoto na nkokila yayi.

¹¹² Kaka mutindu, mutindu konso ndinga mpe konso dyambu beto ke zonzaka kele kaka moyo, ntangu ndinga yango ke kwenda na mupepe. . . . Beno me mona, beno kele na kima yina ke basisaka muningu awa yina ke fidisaka yawu na ngaanda. Beno kele kima yina ke basisaka muningu yina ke fidisaka yawu na ngaanda. Na manima ya ke station ke baka yawu.

¹¹³ Mpe Yesu vwandaka Yina ke basisaka muningu ya Ndinga ya Nzambi, samu ti Yandi vwandaka tatu-mosi ya Nzambi ya kumonisaka na kati ya Muntu mosi. Yandi vwandaka Nzambi ya muvimba mpe Muntu ya muvimba.

¹¹⁴ Mpe butatu ya Nzambi, butatu ya binama ya Nzambi, na kuvwandaka Tata, Mwana, mpe Mpeve-Santu, ya vwandaka ya kumonikisa na kati ya Muntu mosi, Yesu Klisto. Na yawu, kuna, Yandi vwandaka Ndinga.

¹¹⁵ Mpe Yandi vwandaka Yina ke basisaka muningu yina tubaka, “Yandi yina ke kuwa Bandinga ya Munu, mpe ke kwikila na Yandi yina me fidisa Munu, kele na Luzingu ya Kukonda nsuka.” Beno me mona? “Ya kieleka Mu ke tuba na beno, yandi yina ke kuwa Bandinga ya Munu, mpe ke kwikila na Yandi yina fidisaka Munu, kele na Luzingu ya Kukonda nsuka.” Kuna, Ndinga yina me basika na Yina ke basisaka muningu. Yandi tubaka, kilumbu mosi, “Ya kieleka Mu ke tuba na beno, kana beno tuba na mongo yayi, ‘Katuka,’ mpe kusala ntembe ve na kati ya ntima ya beno, kasi ke kwikila ti yina beno me tuba ke salama, beno lenda kuzwa yina beno me tuba.”

¹¹⁶ Ntangu yayi, kana beno lenda kaka kuvwanda station samu na kubaka Yawu, landila kuyala mosi na kati ya beno, na lukwikilu, ya ke nata beno mbala mosi kaka na kati ya cycle ya Nzambi, na Mbutukulu ya mbala ya malu-malu, mpe kuvwanda ya kubutama mbala zole. Kuna beno ke vwanda ntangu nyonso na kiwisa, na kuwa Ndinga yango yina ke kebisa beno ntangu nyonso ntangu kisumbula kele pene-pene. Ntangu bima kele mbote ve, ke na kutambula mbote ve, Yawu ke vwanda ntangu nyonso nkebosolo ya beno. Mpe na manima, na kisika kilumbu

beno kuma mutindu ntwenya ya bakala ya bivwama yayi yina beto ke na kuzonzila; beno vwanda mutindu ntumwa Pierre, Paul, to muntu yina nungaka mioyo samu na Yesu Klisto. Beno sala yawu, bana.

Beto lenda kusambila?

¹¹⁷ Mfumu Yesu! Bantwenya, babakala mpe bakento ya mbasi, kana ya kele na mbasi. Beto fwana kulongisa bawu, Mfumu. Beto ke na kutala kizitu, samu na kulongisa bawu mutindu ti ya ke vwanda na mbasi. Kana ya kele ve, na yina bubu yayi kele kilumbu.

¹¹⁸ Mpe na yina, Tata, beto zaba ti muntu ve kele ya kundima na meso ya Nge. Ata nzutu lenda kumikembila. Ata malongi, ata mutindu ti bima yayi lendaka vwanda mbote, ata bisalu ya mbote, ata lukolo ya kinzambi, ata psychologie, ata kima ve lenda kusiamisa Nzambi kasi Mpeve-Santu. Yandi kele Kisadilu, Nzambi Yandi mosi, na kati ya nzutu ya Luzingu ya Seko, yina lenda kwiza na beto mutindu muntu. Mpe beto ke vutula matondo samu na yina.

¹¹⁹ Ya kieleka ya kubasikaka ntangu Pierre kusalaka funguna yayi. Yesu tubaka na yandi, “Nzutu mpe menga ve me monikisa yayi na nge. Nge longukaka yawu ve na seminere. Nge longukaka yawu ve na lukolo mosi.” Ya kele kima ya muntu na muntu, kima yina konso muntu fwana kuzwa. Nge tubaka, “Na zulu ya ditadi yayi Mu ke tunga Dibuundu ya Munu, mpe bamwelo ya difelo ke vwanda na lenda ve na kununga yawu.” Beto ke na kuvutula matondo samu na yawu, Mfumu.


¹²⁰ Ndinga yango kele dyaka moyo na nkokila yayi. Mpe ya kele dyaka na ba-poste, ba-avant-poste, ba-poste ya kuwa, ba-station ya kuyamba, ya lukwikilu, yina lenda kundima Yawu. Beto ke sambila ti mosi na mosi ya bana yayi ke kuzwa Yawu, Mfumu, na bantima ya bawu. Mpe kubambuka moyo ti, ve yina bawu ke sala ya kuvwanda mbote, kasi bawu. . . Nzambi ke fundisaka ve beto na yina beto ke sala, kasi na yina beto me ndima. Beto kele ya kuvuuka na nzila ya lukwikilu, mpe ve na bisalu ya beto. Na yawu beto ke sambila, Tata ya Mazulu, ti bawu ke bakula vision ntangu yayi, mpe kumona mpe kuwa kubokila ya nene yayi ya Seko, ya “Kwiza, landa Munu.”

¹²¹ Ti mosi na mosi ya bawu, Mfumu, kukatula ntima na bima nyonso ya yinza, luzingu ya kufwa, ya kukondwa ntalu yayi. Mutindu bawu kele awa na nkokila yayi, mpe bansuki ya bawu ya mbwaki ya wolo, mpe bayankaka ya bawu na bansuki ya bawu ya ndombi, mpe meso ya ndombi, mpe meso ya bleu, mpe ya kuvwanda na ya mbote mingi ya yina bawu kele.

¹²² Mpe mutindu musoniki ya nene kutubaka, “Bambuka moyo na Kiyidiki ya nge na bilumbu ya buntwenya ya nge, ntete bilumbu ya yimbi kukwiza. Kuna nge ke kuzwa ata kilengi na yawu ve.” Mutindu, Mfumu Yesu, Nge tubaka na Pierre, “Ntangu

nge vwandaka ntwenya, nge vwanda telama mpe vwandaka kwenda kisika nge vwandaka zola. Kasi ntangu nge ke kuma kiboba, muntu fwana kunata nge kisika nge zola ve kukwenda.” Bika ti bawu kubambuka moyo, “Kilumbu keke ntangu yayi. Yayi keke ntangu.” Pesa yawu, Tata.

¹²³ Mu ke na kulomba mosi na mosi ya bawu, samu na mwana ya munu mosi, awa na nkokila yayi, konso mwana na kati awa. Mu ke tala ti Nge me tula na maboko ya munu, samu na kukeba bawu. Mu ke lomba bawu nyonso, katuka Satana mpe katuka lufwa, samu na Luzingu na Yesu Klisto. Amen.

¹²⁴ Nzambi kusakumuna beno, bana. Kieleka ya me vwanda mbote na kutuba bampova fyoti yayi na beno. Mpe mu ke kwenda, Billy. Bana ya mbote, mu zola beno. Mpangi Fred, Mfumu kusakumuna nge. Mfumu kusakumuna nge, mpangi ya kento. 

63-0601 Kwise, Landa Munu
House Meeting
Tucson, Arizona U.S.A.

KIKONGO-KITUBA

©2021 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kidadilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org